

平定兩金川方畧

三

九

平定回疆方略卷一百一十五



平定兩金川方畧卷之一百七

十月辛巳。明亮奏言。查大兵從琅谷南下直攻。納木廸官寨。賊人據住三面。放鎗抵拒。難以前進。必先攻取斯底葉安地方。以絕其四面應援之路。而斯底葉安。又以層層高礮。攀附殊難。惟北面另起石包。地名什扎古。上與琅谷相接。其下隔以深溝。別拖山腿一道。東與額爾替隔河。

相對若從此順梁而西。卽與斯底葉安高礮平
連。官兵便無煩每層歷礮而上。於攻取之勢較
爲利便。但此一道山腿。陡削異常。官兵魚貫而
登。如遇賊番阻截。稍有一人退步。卽前後各兵
擁擠。無可存身。臣隨挑選索倫吉林健銳營兵
丁。配以屯土各兵。作爲前隊。後揀綠營奮勇官
兵。緊隨策應。十六日丑刻。奎林一路之兵已近

礮卡賊卽放鎗滾石。竭力迎抵。我兵一鼓作氣。無不敢勇爭先。所有山包上石卡三座。戰礮一座。以次搶佔。礮內之賊無一得脫。其餘各卡。敗退之賊。與救援之賊。復聚前來。爲我兵鎗箭所斃甚多。和隆武亦乘勢進兵。卽攻得琅谷以前木城一座。餘賊竄入礮內。抵死據守。維時巳至己午之間。雖未攻克上面寨落。而地勢巳得。正

當起立木城。乃賊復集其羣醜。一從斯底葉安而下一。從納木廸而上。屢次前衝。俱爲官兵擊退。而扎烏古山梁。復有騎馬賊目三人。帶同賊番約三百餘人。蜂擁而至。直前鏖戰。我兵間有傷損。相搏愈力。復經阿爾都阿蘭保。率領索倫吉林各官兵。從兩翼抄進。殺死賊人幾及大半。始各竄去。至酉刻。連立木城四座。其什扎古自

山包以至山腿亦安設營盤五座。將兩處新克地方先爲守禦。以便別圖進取。計此次共殺賊二百餘人。官兵內副前鋒叅領七朗阿守備王宣均受鎗傷。俟查明陣亡受傷各官兵一併咨部。伏念納木迪賊寨雖未能尅日掃除。然什扎古山包現經佔據。已屬進取有路。而賊人力量亦必不能處處防備。無難設法攻取。奏人。

上嘉之。

同日富德奏言。據駐防馬奈山梁舒明阿等報稱。九月十一日夜。有賊五十餘人。侵擾荊州領催七十所守卡子。七十領兵二十名。放箭抵禦。舒明阿等聞警接應。七十見有應援。出卡夾攻。殺賊四五名。頭被刀傷。伊子馬甲卓靈阿奮勇救父。中鎗陣亡。官兵益加奮勇。賊不能支。入林。

逃竄。又十三日夜。據駐劄穆谷之總兵劉輝祖
報稱。十二日夜。有賊百餘。乘霧雨中。來擾穆谷。
西山梁土把總阿甲所守卡子。賊衆一面放鎗。
一面用斧刨挖礮根。將上礮樓。阿甲帶兵十餘。
放鎗滾石。殺賊甚多。天明察看箐林石上血跡。
甚多。此二次我兵陣亡一人。受傷五人。臣謹照
例造冊送部查核。奏入。

上嘉之。

壬午。鄂寶奏言。查北路糧運情形。每日運到卓克采者。雖有多寡不一。然較前漸有起色。且南路撥運木池米石。據總理知府盛英稟稱。陸續運到木池者。現存二千餘石。此外尚有已運在途米二千五百餘石。不日亦可運來。是大營儲峙。儘足供支。惟是目前之接濟。固已無虞。而後

此之運供。尤宜籌計。且時屆秋深。轉瞬冬令。草
枯冰結。積雪封山。烏拉難以行走。此後軍糧。南
路已難再辦。惟冀北路長短並運。方不致有斷
絕之虞。臣現在竭力督催。及時籌辦。以期儲備
充盈。奏入報。

聞。

甲申。文綬奏言。現在大兵乘勝深入。軍糧甚關

緊要。前運未竣。後運卽須採辦。方能接濟裕如。今歲川省秋成。原屬豐收。但頻歲以來。辦米至二百餘萬石。爲數繁多。又均於附近省城採買。民間蓋藏漸少。市價日昂。未免有妨民食。臣與司道等悉心籌酌。查下游嘉定瀘州敘州重慶一帶。均屬產米之區。且通水路。應請於此數處。再採買米二十萬石。按照市價。運貯省城。聽候

撥用。雖目下功在垂成。自可無須全用。而將來
大兵凱旋時。十餘萬官兵丁役站夫。支用浩繁。
正可卽將此項米石供支。卽或支用之外。尚有
餘糧。並可補還各屬借用倉儲缺額之數。奏入。
上是之。

丙戌。文綬奏言。鑄礮銅斤。必須質色純淨。川省
所產。惟樂山縣銅最高。榮經縣銅次之。其餘各

廠銅斤多屬粗雜。加工淘淨始能適用。今歲准各路軍營咨取淨銅六萬斤。臣就近於省城錢

局收存。揀選樂山榮經兩廠好銅。如數趕解軍

營收用。但軍實所需。必當預爲儲備。查上年四月間。經劉秉恬奏請截留滇銅六萬斤。爲鑄礮之用。久經用竣。應請再於滇省送運京銅內。截留十萬斤。分貯灌縣省城二處。現今大兵深入。

或尚須添鑄大礮。以資轟擊。則取用充裕如指日凱旋。卽以撥充寶川局鼓鑄之用。奏入。報

聞。

同日。明亮舒常奏言。日內陸續投出番衆。經各前敵押送來營。臣等親加提訊。咸稱官兵攻打賊酋抵死守禦。以至大小頭人及各寨百姓。被殺受傷者極多。現在人數日少。人心日怯。惟於

礮外深挖壕溝。晝夜堵禦。若大兵將達。爾圖一帶。不論何處。打開前途。斷不能守等語。查賊人自知積惡已深。滅亡在卽。而其畏死倖生之心。尚圖力爲抗拒。藉緩須臾。亦屬情所應有。臣等前已傳布番人。如有望風投順者。許以不殺。雖在內各番。節次脫出。而其全局尚未盡散。蓋因賊酋賊目。以投順

路。賊雖并力死據其地。如日旁沙壩等處。何嘗不可從此進兵。不過路徑少紆。賊以為官兵移動煩難。察其設備不甚周密。臣等現抽派土練官兵布置已定。因恐走漏消息。尚未明為宣布。飭令整隊以待。一俟雨雪少止。不拘早晚。猝然進攻。乘其措手不及。悉將日旁溝內寨落焚燒。使賊人一時驚疑莫測。必將遠函圖等處各番。

抽往救應。臣等仍於東北西南及木克什分爲
三路進兵。而注意於西南山腿。倘得一鼓卽下。
則合搗勒烏圍。更爲便捷。至達爾圖軍營需用
糧儲生鐵。西路滾運。甚見寥寥。全恃桂林在南
路不分彼此。爲之協濟。而臬司李世傑經理頗
屬實心。近又據報打箭爐撥運米二萬石。均已
起發在途。則糧務更形充裕。奏入。

上諭軍機大臣曰。明亮奏設法分掣賊勢。以便伺隙
進攻所籌亦好。現屆大功將成。諸事倍宜慎重。自
不可令官兵輕率撲礮。致損銳氣。惟在明亮等妥
酌而行。一有可乘之機。卽鼓勇直進。迅速成功。日
下已交冬令。天氣日漸晴和。正可努力集勛。佇盼
捷音。

上又諭軍機大臣曰。明亮等奏達爾圖軍營需用糧

儲生鐵。西路各站滾運。甚見寥寥等語。近據文綬

奏達爾圖軍糧。撥過南路協濟米二萬石。源源往
運。足供三月有餘。北路軍糧。又加數運供。有增無
減。達爾圖軍糧無虞缺乏。是西路所辦達爾圖糧
運。自應日有起色。至生鐵一項。亦據文綬等節次
奏稱運供無缺。何以運到者尚屬寥寥。著傳諭鄂
寶。將應行攢運之糧石鐵斤。源源接濟。毋稍稽悞。

米糧爲軍食所需。生鐵爲礮子所用。均關緊要。現在正當乘勝深入。尤宜令其寬裕。鄂寶務須加意催趲。富勒渾文綬亦應上緊供備。勿使畧有遲違。致干重戾。

丁亥。阿桂豐昇額。色布騰巴爾珠爾奏言。查遜克爾宗一處。係大兵前搗勒烏圍要隘。賊人力量全聚於此。且見官兵攻圍緊急。護死衛巢。無

所不至。希冀擾動官兵一二營卡。或可稍緩須臾。母死。本月二十二日子刻。有賊三百餘人。分爲三股。來搶遼克爾宗前面官兵礮臺兩邊石卡。經侍衛額爾特等督領官兵一百五十餘名。出柵奮擊。正在攪殺一處。而侍衛托爾托保等。帶兵從礮臺左手向下應援。額森特。福康安等。又帶兵二百名。迅往夾攻。烏什哈達等。亦帶兵

就近抄截。官兵三面合攻。鎗箭齊發。而賊人倚恃坡礮可以遮身。敗而復進者數次。至寅刻初。始踉蹌奔竄。官兵尾追趕殺。直抵賊寨始回。查驗殲斃頭人二名。又滿洲索倫官兵揀回箭枝內。驗有五十三根。均帶血痕。深淺不等。是賊人被殺被傷。實爲不少。再二五日以來。遜克爾宗西北相連之第二三礮。爲礮所擊。漸見凋殘。臣

等復派領隊侍衛將領等帶兵分攻。均於二十四日黎明潛進。海蘭察比至第二礮寨下。賊人擲石發鎗。官兵卽從鎗石中間直衝而進。四面爬越上牆。躍入寨內。奮力斫殺。賊人紛紛遁出。又被牆外官兵截殺。逃逸者不及數人。卽將是寨佔住。其額森特至第三寨前督兵。亦抵寨下。拋入火彈。賊人出寨衝壓。官兵喜其明來接仗。

奮力上前。鎗箭所施。發無不斃。惟時海祿所帶
埋伏之兵。見賊出寨。竟與官兵短接。遂卽帶兵
衝下。一面乘勢欲搶賊礮。一面夾攻賊衆。殲斃
數人。賊番驚駭。仍竄回礮死守。官兵正在合勢
奮攻。而榮噶爾博山上之賊。望見攻礮緊急。惟
恐有失。隨有數十賊渡溝而來。思襲我兵之後。
經烏什哈達明仁望見。帶領接應之兵。回身迎

殺餘賊踉蹌敗遁。官兵合力窮追。賊人不能復
歸原路。敗至溝邊陡礮之上。爲我兵所迫。眼見
跳崖之賊。三十餘人。久之。僅有六七賊。涉水而
逸。但崖礮高有三四丈。其下卽河灘。官兵難以
追殺。而回。此次打仗。額森特被鎗打折弓筈。又
打透弓胎弓面。續又擦傷無名指中指皮肉。但
被傷之後。仍卽取親隨之弓。連射賊人。於帶兵

打仗並無妨礙。而官兵亦無不踴躍爭先。幾於人自爲戰。惟因第三碉寨。究未十分摧塌。是以尚稽得手。但屢次斃賊甚多。察其情形。實屬膽寒氣沮。况此西北寨落四座。官兵已克其二。僅存三四兩寨。臣等設法籌辦。務將此兩寨一併攻獲。繞截賊人後路。至近有脫出小金川番人朗木結。金川番人色達爾結。及卓克采番人策

克納木。尼滿朋。均分別安插。奏入。

實自懇也。

上諭軍機大臣曰。阿桂等奏稱此次攻寨官兵。無不踴躍先登。幾於人自爲戰。甚屬可嘉。而海蘭察傷甫平復。仍帶兵攻奪堅礮。額森特指被擦傷。尚換弓連射賊人。尤堪嘉獎。均著阿桂存記檔冊。俟大兵攻得勒烏圍。一併敘明。奏請交部議敘。至該處現在僅存兩礮。攻之自不甚費力。阿桂又善於調

度更可望迅速得手。若得此三四兩礮。截斷賊人後路。遼克爾宗定當不攻自潰。佇盼捷音。至所訊脫出卓克采番人策克納木供稱。看來金川百姓光景。實在害怕。并聽說前日將僧格桑屍首。連女人頭人都送出去。還不准降。今在卡子上叫喊。官兵亦終不應等語。所辦尚非得要。前此逆酋狡譎。欲以詐降爲緩兵之計。且以覬我虛實。自應付之。

不理。今衆番旣各驚惶畏死。正宜迎機善導。竟當
令卡上各土兵。高聲喊諭。將軍等統領大軍。聲罪
致討。原因索諾木及莎羅奔兄弟。負恩反噬。及各
頭人肆凶濟惡。難以輕宥。與爾等衆番無涉。爾衆
番人。有能明順逆知利害者。早釋兵械。來赴軍營
投順。不但免爾等之死。併仍俾爾等完聚安居。從
前屢次投出之人。已皆如此辦理。爾番衆等若有

能將逆酋兄弟及助惡大頭人等擒獻者。并當奏
聞重賞。如此傳布宣諭。使衆共知。其惶惑當更甚。
乘隙出降者必益多。但得衆心渙散。則勢自瓦解。
攻之尤易爲力。但不可因用此法。稍懈進攻。將軍
等仍當急速妥爲之。又據訊得投出之小金川番
人朗木結供。聽見小金川舊頭人噶里阿讓。前日
差噶里三個人。由簇拉角克。到底不達布則郭宗。

曾頭溝。探看情形回來說。如今官兵營卡。把守甚緊。看來做不出大事。只有瑪爾當察納中間。河東上噶里。下噶里。兩處官兵卡子。可以搶得。阿讓親自帶人。定於二十二日起身。由美臥溝往噶里去。又索諾木派頭人摩摩阿什。咱德爾什斯甲等。商量帶領五十多人。到功噶爾拉。由察隆登庫覺巴木通。晒水過河。到河東別斯滿。去放夾壩。聞是十

九日起身等語。此兩番人所供。係十九二十二兩
日起身。該處相距不遠。賊人不過兩三日。即可到
彼。阿桂於二十六日拜發此摺。今早已到。計常青
等所駐之地。較阿桂更近。若賊人畧有滋擾之處。
常青等自卽奏聞。或彼謀而未成。亦未可定。但旣
有此言。不可不信其有。著常青、旺保、祿等。加意防
範。搜拏。不可稍有玩忽。其大板昭一帶。亦係緊要。

後路。並著富勒渾郝碩。一體嚴密周防。勿稍疎懈。

同日。阿桂。豐昇額。色布騰巴爾珠爾。又奏言。九

月二十一日。夜子刻。有賊三百餘人。分爲三路。

來侵木城礮臺。經侍衛額爾特等。督兵出戰。直

入賊隊。截殺。侍衛托爾托保。帶兵接應。由礮臺

左腋衝入。并力鏖戰。額森特。福康安等。聞信俱

至。共相擊殺。賊衆被傷甚衆。俱經潰散。而健銳

營前鋒六十三衝入賊中射賊最多甚爲勇往
吉林烏拉馬甲佟佩射賊箭盡又奪取賊人長
槍二杆此二人超勇出衆相應鼓勵臣謹遵

旨將六十三賞戴孔雀翎佟佩賞戴藍翎其餘効力
兵丁酌量賞給銀兩再額爾特勇往無前歷來
均能出力但已係頭等侍衛又曾得巴圖魯名
號此次記其勞績俟再有奮勇之處一併奏

聞奏入。

御前奏事錄
宗室大臣奏
皇極經世一
卷之二十一

上諭軍機大臣曰。阿桂等奏健銳營前鋒六十三吉
林烏拉馬甲佟佩俱超勇出衆甚屬可嘉著加恩
將六十三賞戴孔雀翎外。賞給西解特巴圖魯名
號。佟佩賞戴藍翎外。賞給多布泰巴圖魯名號。仍
照例賞銀一百兩。巴圖魯頭等侍衛額爾特著阿
桂等將此次勞績記檔。俟再有勞績。一併具奏。朕

另降旨加恩。

辛卯。

上諭軍機大臣曰。昨阿桂奏攻剿遜克爾宗右手兩
礮。若經攻得。卽斷賊人後路。遜克爾宗之寨。當必
不攻自破。距今又已三日。未識曾否得手。盼望殊
切。今訊據七圖安堵爾蒙固阿什咱阿拉。供格魯
瓦覺一路。若得遜克爾宗過去。就是科斯果木地。

勢畧平。到勒烏圍容易。此一路金川人最怕。其凱
立葉一路。山勢亦險。若由此進到噶爾丹寺下礮
卡稀少。路好走。金川人亦怕官兵由此前進等語。
是凱立葉一路。大有可望。前已降旨令豐昇額帶
兵前赴凱立葉。通知五代夾擊。與該番犯所供相
合。自係極好機會。豐昇額曾否帶兵前往。未據奏
覆。著阿桂豐昇額相商。若可進兵。卽將何日統兵

起程攻勦情形若何。迅速覆奏。又據綽窩斯甲供。勒烏圍雖係金川巢穴。但從此過河。還有覺則喀拉爾兩處。過此纔是噶拉依。其覺則喀拉爾山俱陡險。恐賊人在彼支拒各等語。阿桂等不可不知此等情節。相機設法。妥爲辦理。以期早奏膚功。

壬辰。劉秉恬奏言查乾隆三十七年秋冬間。舒常帶兵數千名。駐扎宜喜。彼時兵數無多。需糧

有限。係由南路之打箭爐。雇覓番人烏拉。從噶

爾塔爾資隆一帶。運往木池。並未設有臺站。至

三十八年春間。副將軍豐昇額帶兵。由宜喜進

攻。兵數增添。南路打箭爐長運之米。不敷之食。

經臣會同撫臣鄂寶奏明。照乾隆十三年成例。

由雜谷一路安臺轉輸。名曰北路。彼時原有會

頭溝運糧臺站。酌量增添。亦並未另起爐竈現

在維州雜谷楸砥卓克采等處皆北路糧站也。

臣

查北路由省至宜喜較南路爲近而南路由

打箭爐至宜喜又較北路爲近南路運糧腳價

雖比北路稍多然烏拉馱載一起可到數百石

至千餘石較人夫督運可以應急去歲宜喜軍

糧係由南北兩路運供儲備頗充本年春間副

將軍豐昇額帶兵改歸凱立葉一路宜喜軍營

需糧有限。北路各站。裁撤人夫。糧運亦因而酌

減。是以副將軍明亮帶兵攻克達爾圖後。驟添

官兵數千。宜喜軍糧稍形竭蹶。維時臣在南路。

會同桂林。奏將運到吉地之米撥運四千石。又

於打箭爐撥運二千石。均雇覓蠻夫烏拉。長運

木池。以資接濟。並親帶人夫一千名。赴交覺木

交等處。以備安站之用。嗣後又經桂林及督臣

等奏明於打箭爐再撥米一萬四千石運往木池。共成二萬之數。近接顏希深抄寄摺稿。稱南路派撥之二萬石業已運到六千石。又有在途之二千五百餘石。一二日內均可運抵木池。可供軍營一月之食。至北路雜谷一帶糧運。臣於八月初四日至楸砥。維時到來之米甚少。雖經臣奏明趕辦驟運。多方設法催趕。而道路所限。

時未能迅速畢集。是以八月內。每日只可發

北路米數十石。接濟沿途口食。嗣臣因運到之

米漸增。遂於九月初四日。增至一百數十石。昨

撫臣鄂寶於初八日到楸砥。與督臣富勒渾公

同籌議。楸砥每日發北路米以二百五十石爲
率。合之商人長運卓克采之糧。每日可有三百
餘石。自可不至缺乏。再查由楸砥至卓克采。共

聞。

計十三站。每站原設夫四百名。本年春間裁撤之後。現在尚未添足。是以楸砥發往之米。各站

不無停滯。

臣

已咨明鄂寶。傳飭糧員招募人夫

趨運如西路。續到人夫。日內能稍有數餘。

臣

卽

一併撥往幫運。以期糧運速而軍食裕。奏入。報

同日。劉秉恬又奏言。竊查川省糧運。自內地派

員領價招商雇夫。自灌縣等處背負。直送楸砥
大板昭等處。名曰商運。亦曰長運。其自灌縣至
大板昭。共計二十三站。每站設州縣佐雜等官
一員。帶夫數百名。或一千名。接運軍糧。及鉛丸
火藥銅鐵軍裝等物。其運抵軍營之糧。名曰滾
運。亦曰短運。督臣文綬於灌縣至大板昭。每站
另設官一員。帶夫一千名。及數百名。專運軍糧。

不運別項物件。別其名曰大捷站。其實與滾運無異。雖據承辦之員稟稱。每日運米五百石。九月初十以前。必可開運。但臣查現在各站之夫。尚不敷用。茲復另設二十三站。計自灌縣至楸砥共十四站。每站議設夫一千名。卽需夫一萬四千名。再自楸砥至大板昭九站。每站議設夫六百名。又需夫五千餘名。共需夫二萬名。此二

萬名人夫。若欲一時自內地派出。雖多給價值。原難期其迅速畢集。近據承辦大捷站之同知等稟稱。九月十三日開運以來。因各站夫力不齊。及連日陰雨。負運俱艱。是以均勻攤算。每日尚未及二百石。至楸砥所取大捷站米數。每日約有一百零四石。臣詳加體察。必各站員善於經理。趕辦妥速。均於十月內安設齊全。庶可照

奏定之數。每日運米五百石。俟臨時再將實在情形查明具

奏。奏入報

聞。

同日。富德奏言。九月二十二日夜。有賊四五十人。來擾卡汛。官兵截斷去路。殺賊四名。中傷滾崖死者甚衆。又二十三日夜。有賊百餘人。潛從

庚額特山梁下。窺探穆當噶爾山梁之三礮。拋
擲火彈。兵丁從火光中望影放鎗。賊衆分竄。臣

查賊衆連次侵擾。傷亡不少。乃仍冒死潛來。則
其勢窮力竭。已屬顯然。臣於二十四日。揀選各

兵。派委章京佛喜。於穆谷。庚額特。卡卡角。深嘉
卜等處。四路進兵。二十五日。乘夜潛至賊卡附
近埋伏。而令守備李端帶土兵二十人。潛上斯

第山頂將近賊砦。砦中犬吠。賊衆驚覺。卽繞下
思斷官兵之後。正遇藍翎侍衛阿蘭泰接應。上
下夾攻。賊皆竄入砦內。臣等因將官兵撤下。一
面令取大小礮位。轟擊庚額特賊砦。俟有機會。
卽圖攻取。再二十六日。投出金川番民都爾錦
彭一戶五口。另繕供詞恭呈

御覽。

同日富德又奏言。脫出明正番人彥楚木齊里。

臣

令明正頭人張九錫認識。實係該土司之人。

在斯第博堵地方打仗受傷。被賊擒去。並繕供

詞。恭呈

御覽。均奏入。

上諭軍機大臣曰。據富德奏到。脫出金川番民男婦。所供情節。番衆等心離膽怯。大概可見。至其經亭。

內見有大蛇。訊之綽窩斯甲等供亦相符。是皆番
衆等滅亡之兆。尤當相機速辦。以期迅奏膚功。至
雅木中齊立所供霍爾章谷土婦之言。云金川賊
人探得格魯瓦覺接遜克爾宗三座營盤之後。可
以截斷。現今每日打卦。如其卦好。要去截斷官兵
後路。又綽窩斯甲布一路。也要去截斷後路等語。訊
之綽窩斯甲供。今年八月內。商量截斷遜克爾宗

後路。要從喇穆格羅山梁。由羅博瓦過來。如搶得
凱立葉大營。後路就斷了。因卦不好。纔把七圖安
堵爾等送出來等語。所供雖不盡同。而此等緊要
應防之處。寧信其有。該將軍等不可不加意防範。
以期萬全。至所供霍爾章谷土婦並未從索諾木
之語。如果確實。則此土婦尚覺可憫。將來平定金
川後。自當將其子襲封革布什咱土司。使彼母子

完聚。以示體卹。因訊之緯窩斯甲。則稱索諾木收
霍爾章谷的女兒噶沙拉木爲小女人。衆人稱爲
阿什密。飲食衣服。均與索諾木大女人德爾什爾
拉木相同。現亦住在噶拉依官寨等語。言之鑿鑿。
自應不妄。而雅木中齊立所供情節。頗有可疑。如
霍爾章谷土婦。旣未爲索諾木所收。何以金川頭
人。要將雅木中齊立拋河時。土婦聞知往索。卽肯

給還。又如所言有人看守。則索諾木商斷後路之
謀。何由得知詳細。其間疑竇甚多。然此等語。現在
無關緊要。著富德再向雅木中齊立詰訊明確。錄
供具奏。

癸巳。郝碩奏言。現在前敵分設兩局。鑄造礮位。
需用一切銅鐵物料倍繁。雖現由省局辦解鐵
斤。及撥運底木達資哩存鐵。俱係隨到隨運。以

供施放。然事關軍火。不妨寬爲儲備。臣思色湖
普及登古丫口等處。今歲春夏攻打之時。均曾
用礮轟擊。其附近礮卡之處。不無遺存礮子。隨
令各站員曉諭衆夫。於背米之暇。留心尋覓。每
顆酌給工價銀二錢。俟積有成數。運交頭敵。茲
據站員具報。尋得三將軍礮子一千八百二十
二顆。四將軍礮子一千零九十六顆。已運交前

敵施放。查三將軍礮子每顆重十斤。四將軍礮子每顆重六斤八兩。以現在揀得礮子二千九百餘顆。合計可節省二萬五千餘斤。並不煩開爐鑄造。即可應用。奏入。

上嘉之。

平定兩金川方略卷之一百八

十月甲午。阿桂、豐昇、額色布騰巴爾珠爾奏言。
查遜克爾宗水碓。爲賊人緊要之地。業經官兵
攻克。而賊人未遽潰竄者。因遜克爾宗寨落尚
有向西南小山腿。下至溝底。卽係河流路。雖較
遠。而賊人尚可取水。但其小山腿上碓卡。爲現
在所攻之第三碓寨所隔。若不將第三碓寨攻

克則不能越過。徑搶小山腿之礪卡。仍難以斷
其汲飲。據脫出之小金川番人桑卡爾稱。賊目
山塔爾薩木坦。親帶賊衆。在彼抵禦。查第三碉
寨。其大小與遜克爾宗相等。又逼近遜克爾宗。
賊人鎗石。在在可以援應。是以稍覺費力。臣等
現惟設法奮攻。斷其水路。奏入報。

聞。

平定回疆方略卷之二百八

同日。阿桂。豐昇。額色布騰。巴爾珠爾。又奏言。查
第三礮寨。既可爲遜克爾宗官寨右手屏蔽。又
可以護小山。腿上現在取水之礮。故賊入于寨
外挖濠。寨內挖窖藏身。密布松籤。竭力死守。而
南北兩山。與遜克爾宗官寨內鎗礮。又皆互相
應援。是以攻取稍難。但官兵奪取此處。卽可往
截遜克爾宗之後。且官兵連次搶佔第一第二

礮寨。士氣奮揚。尤宜乘勢進攻。迅圖窺入。當卽於二十七日子刻。督令官兵分隊前進。其海蘭察額森特所攻第三礮寨兩隊之兵。潛至礮寨。礮下。各自埋伏。俟至五更。突然擁進。直逼牆根。均將攀援而上。賊人見勢危急。不避鎗箭。林立牆間。捨命抵禦。官兵隨於牆下壘石爲堆。乘之以拋火彈。而賊仍堅立不動。我滿洲索倫兵。乘

此攢射。斃賊甚多。賊旋遁入寨內。於孔穴中放鎗不絕。并於牆缺內。拋石如雨。維時遜克爾宗寨後救援之賊。欲來衝突。經瑚尼爾圖海祿等奮力擊回。天色將明。南北兩山之賊。施放礮位。均可及官兵隊內。而溝內之賊。及礮內之賊。上下放鎗。合力擊打。且又於礮前左右坍塌土石之內。挖成地窖。設鎗眼於亂石中間。施放不絕。

平定回疆方略卷之三十一
三十一
連撲兩次。未能得手。因令徐徐撤回。臣等現在
籌辦。爲出其不意。使賊人猝不及防之計。

同日。明亮。舒常奏言。臣等議從日旁沙壩發兵。

以期分掣賊勢。便於下壓。據頭人溫布松乃等

稟稱。近來賊人各礮卡內人數更多。每夜樹木

山坳之內。隱隱有人埋伏。日內必有偷放夾壩

情事。臣等密飭各前敵官兵。加意防範。突有賊

衆數十餘人。偷劫木克什土兵前卡。甫經擊退。而西南山腿侍衛蒙固爾所守營盤。另有賊衆。喊聲並進。官兵因係黑夜。不便輕動。但放鎗排擊。賊卽寂然遁去。迨至黎明。賊意官兵守禦或踈。復有百餘人。潛赴木克什。希圖搶奪。土兵出卡擊殺。追至山半而回。次日查看沿塗血跡淋漓。乃賊人經此懲創。並不少爲消沮。復於三十

日午刻適當臣巡歷各卡之時。於西南山腿望

見賊分股。各有百餘人。一從前敵迎面而來。一

從山溝左側而上。當卽傳令官兵埋伏以待。俟

賊近至數步內。施用鎗箭。而賊亦冒死上前。全

無畏縮。正與竭力相持。而水碓之旁。復聚賊一

百餘人。猝來掩襲。亦經士兵先爲準備。其時各

路賊人。中鎗被箭。傷斃紛紛。恃其逃走便捷。頃

刻四散。當將大礮轟摧。擊斃亦爲不少。現候綽
斯甲布土兵。催令派齊。卽加派官兵。往日旁溝
內燒其寨落。以便於達爾圖等處。乘勢下壓。使
賊人顧彼失此。必能一舉成功。至達爾圖軍營。

於前月初二等日。非雨卽雪。與阿桂一路情形

不一。奉

旨垂詢。臣等查蠻地氣候。本不相同。而達爾圖山勢

甚高。但有薄霧輕雲。雨雪應時立下。如覺木交
相去不過二十餘里。卽已陰晴各別。寒暖異宜。
現屆十月初旬。已交冬令。自可日見暢晴。尅期
掃盪。均奏人。

上諭軍機大臣曰。阿桂等奏攻打第三碉。尚未能得
手。甚爲可恨。至所稱現在籌辦。爲出其不意。使賊
人猝不及防等語。所奏殊未明晰。甚爲焦急。阿桂

或欲出奇密辦。不肯預洩。固屬慎重之道。但敘以
入告。又復何礙。計此旨到軍營。所有第三劄。自己
設法攻得。或并遜克爾宗。亦已攻取。果爾甚善。若
尚有羈延。卽將如何出其不意。及辦理而未成之
處。密行具奏。又供內有噶里阿讓。欲往布朗郭宗
底木達放夾斫。摩摩阿什咱得爾什思甲。欲往別
斯滿放夾斫之語。前據朗木結供。及已諭常青旺

保祿嚴密防守。並令富勒渾一體留心。諒亦卽有覆奏。近日各卡監防守甚嚴。自不致有貽悞。阿桂仍當時刻嚴防。勿稍踈懈。同日又據明亮奏稱二十六二十九三十等日。賊人於木克什及西南山腿等處。連出侵犯。並經官兵勦擊。殲賊甚多。賊人自當知所畏懼。不敢再爲滋擾。但歷看賊番情形。遇官兵竭力進攻。賊惟糾衆死拒。若官兵駐定數

日。賊卽設法竊劫。屢試不爽。明亮在達爾圖山梁。將未得之東北兩礮。儘力用礮轟摧。或并擊其西。南山牋諸卡。以期乘勝深入。自爲得算。何以近日。耑攻木克什一路。著傳諭明亮等。相機速辦。迅奏膚功。副朕懸注。

同日。

上又諭軍機大臣曰。前阿桂奏欲於噶拉依建廟。令

達賴喇嘛。選擇有梵行大喇嘛往彼居住一欵。恐
日久金川與西藏聯爲一氣。亦難保其不滋流弊。
莫若於京城選派一人前往。聲名似覺更尊。已諭
知阿桂審度辦理。嗣詢之章嘉胡土克圖。據稱金
川等處。原非西藏所屬。恐不相習。至由京派往之
胡土克圖。與該處紅教喇嘛。支派各別。難遽強而
相同。所言亦是。因思前此德爾格忒白玉寺。請赴

軍營念經之斯第胡土克圖大徒弟噶爾瑪噶什
等三人。曾在兩路軍營念經。阿桂等稱其頗有梵
行。或於此內擇其最優者。在噶拉依新廟居住。管
束衆喇嘛。並可令留住之人。來京覲謁。承受恩賚。
潛移默化。徐消其兇悍咒詛之邪術。似爲妥便。以
此語之章嘉胡土克圖。深以爲然。著傳諭阿桂將
來照此辦理。

庚子。顏希深奏言。查副將軍明亮。改由宜喜進

攻。臣見此路軍糧存貯未裕。北路滾運。又復無

多。隨札商臬司李世傑。酌撥南路米石。以資協

濟。前後共撥運米二萬三千石。其運到木池交

收者。已有一萬餘石。當八九月間。西北兩路糧

運。均屬拮据。而綽斯甲布兵糧。不致貽悞者。實

資南路協濟之力。茲接李世傑來札。以打箭爐

倉存米有限。烏拉歸巢在卽。二萬三千石之外。其勢不能再撥。臣思南路之協濟既停。則此地

軍糧。惟耑恃北路運供。北路自楸砥至宜喜。約計三十站。沿站運夫。及丹壩一路。駐防官兵。通計每日所需口糧。須有長短各運米四百數十石。方可無悞供支。臣鄂寶來咨。每日自楸砥分撥北路米二百五十石。臣查每日運米

二百五十石。除去三十站背夫口糧。每日到營。僅得一百石。實屬不敷支用。而北路糧運亦阻雪山。不無阻滯。是不可不寬裕預籌。臣現稟文

綬等。請飭催長短各運。每日務有四百數十石。由楸砥運至卓克采。庶為有備無患。而大功垂

成之際。亦斷不致有兵糧缺悞之虞。再綽斯甲

布土兵所領半年口糧。近因其青稞登場。偶有

將口糧出售者。訪其價值大約每石十五六兩不等。臣查此路軍糧道險站長。北路每石開銷二十三兩有奇。南路每石開銷二十兩有奇。若將前項口糧就近零星酌買以抵軍糈。似於錢糧頗有節省。奏入。

上諭軍機大臣曰。宜喜一路軍糧甚關緊要。南路協濟既停。北路白應及早籌協。著傳諭富勒渾文綬

儘力設法。催趲長短各運之米。每日務足四百餘石之數。以裕軍儲。又顏希深奏就近酌買綽斯甲布土兵之米。是亦調劑之一法。果係專買土兵餘糧。於事固屬有益。但不可買自官兵。致滋流弊。至沿塗夫食。固不可缺。然較軍饟。究屬有間。今以每日運糧二百五十石。而夫糧轉耗去一百五十石。未免太多。或可照文綬大捷站夫不支正項口糧。

之例妥辦。或酌量本折搭配。聽站夫等沿途自行
買食。則現運可以稍爲撙節。於軍食運務均屬有
裨。著富勒渾文綬一面嚴飭催運。一面與鄂寶顏
希深迅速妥酌辦理。

辛丑。阿桂。豐昇。額色布騰巴爾珠爾奏言。查遜
克爾宗正面碉寨。賊人已刨溝挖窖。爲并力抗
禦之計。而其右手相近碉寨。今經節次攻取。僅

存三四兩寨。而賊衆悉其力量。捨死拒守。更屬
不遺餘力。臣等前於脫出番人。詢悉遜克爾宗
寨內情形。擬令領隊鎮將等。先於四五更時。直
攻正面大礮。如其機有可乘。固可卽時撲進。否
輒則佯爲撤退。而另派勇敢官兵。潛伏於官寨附
近。可以藏身之處。俟前隊撤退。各歸本營之後。
賊人稍懈。出其不意。復行突然攻撲。自可望其

攻取其右手第三碉寨。一面照舊派兵攻打。另

派勇銳官兵預備。俟攻打官寨。與攻打第三碉寨之兵進攻後。卽突從兩大寨中間直衝而進。繞出遜克爾宗官寨之後。查官寨後小山腿上。雖尚有碉卡。但賊人力量必聚於前面。其後未必尚有多人。而官兵於衝過時。雖不免抵昌鎗石。一過此處。卽已斷其往來之路。如此兩計並

行。正面官兵一得遜克爾宗官寨。其餘碉寨固
必棄之而逃。而繞進官兵果能斷其後路。則官
寨之賊亦必不攻自潰。臣等擬於初四日進攻。
而初三日夜卽已下雨。且自初五初六以至初
八。大雪連綿。每次積至三四寸六七寸不等。及
至昨日稍晴。伏思番地秋冬之交本多雨雪。如
前歲十月間。從甲爾木進兵。風雪甚寒。至末旬

始止。去年則交十月。卽已快晴。雖今年此地雨
雪較多。但交冬已有五六日。嗣後積雪稍消。踏
凍可行。務在督率官兵。剋期克獲。奏入。

上諭曰。實切盼望之至。旣定此計。一俟天晴。勉力爲
之。

同日。文綬奏言。竊查川省辦理軍需。一切供億
動撥

帑金千萬兩。不累閭閻。惟以跋涉負戴。稍資民力。

致塵

宸衷。頻頒渥澤。又荷蒙

特降

恩旨。分別減免錢糧。現在查議。另行核

奏。查_臣等前議川省軍需。一切採辦輓運民間自

相幫貼之費。先於司庫酌借。仍卽催解歸款。卽

荷

恩旨俞允。嗣於司庫餘茶等款內。酌借在案。伏思川
省黎元仰蒙

皇上軫念微勞。

恩膏叠沛。小民具有天良。無不感激。

皇仁。踴躍趨事。頻年以來。辦米辦夫。給與官價。以及
安家口糧。爭先趕辦。固已惟恐後時。祇緣次數

平定兩州大興之實八
廿
稍多。所借官項不能按期完繳。新舊並交。未免
竭蹶。目下大功將成。誠如

聖諭。軍儲加緊趲運。夫役倍多。可否仰懇

天恩。將民間借項。緩俟軍務告竣之後。再行催收歸
款。奏入。

上諭內閣曰。川省百姓踴躍奉公。趨事恐後。甚屬可
嘉。目下大功將成。尤應多方體卹。所有川省民間

借用官項。准俟軍務告竣再行收納歸款。以紓民力。該部卽遵諭行。

同日。文綬又奏言。各省進征官兵裝械。俱由成都分路運送軍營。目下已屆冬令。口外天寒。尤爲急務。查湖北湖南兩省兵丁。棉衣鞋袴等物。共二千七百餘隻。由各本營製解。俱先後送抵成都。業飭點驗分路起解。其楚兵皮衣。經署湖

廣督^臣陳輝祖奏明撥借餉銀。解川製辦。各路

軍營。有已經咨送兵冊。需製皮衣帽帳房等項

者。業飭上緊製辦。照數解運。查有上年陝甘製

辦解川皮衣。存貯未用。經^臣撥送四千六百件

解交將軍阿桂酌給之外。尚存皮衣五千件。今

照軍營來咨。查明需用皮衣款式。與陝省解來

皮衣相符者。先卽飭撥解往。以資禦寒。至陝甘

雲貴等省軍裝。向例由各本省辦解來川。現據解到成都者。亦已分路解往。此外如京城滿兵將軍阿桂奏明借給錢糧。差官來省製辦衣裝。又荆州滿兵添補衣履帳房。及楚省解營腰刀等項。均須由成都分別辦解。沿站加夫運送。臣查口內口外各路臺站。除滾運軍糧餉銀外。現需趕解銅鐵礮料火繩鉛子等項。絡繹不絕。而

官兵一應裝械均屬要需。無一可緩。惟有隨時設法。督飭各站多雇人夫。儘力趕運。並飭各總理道府一體查催。毋致擁擠遲滯。俾士卒早資挾纊。以壯軍容。奏入。

聞。

壬寅。明亮舒常奏言。臣等前議在日旁進攻。以分賊勢。現飭綽斯甲布另派土兵。緣此數日。以

來。沿山積雪未消。而濃雲密布。朝暮雪下不止。以致綽斯甲布各寨土兵。一時未能齊集。臣等查木克什一路。屢次用兵。總以甲索下援之賊。在旁牽綴我軍。致難得手。而甲索西南相連之馬爾邦。列有戰碉兩座。爲甲索後路。賊人恃以爲固。若從此攻打。雖非緊要關鍵。而出其不意。襲破賊碉。使逆酋疑爲無處不可發兵。則達爾

圖一帶防守。自可漸形踈懈。惟是該處俱係懸崖仄徑。陡滑異常。必須晝伏夜行。方能成事。臣等官兵不諳路徑。挑派綽斯甲布土兵二百五十名。革布什咱土兵一百名。屯兵一百名。密令千總袁國璜等帶領。於初五日子刻前至馬爾邦。其兩礮內賊人尚無知覺。遂卽分頭圍裏斫門徑進。賊人方始驚覺。卽在礮頂第一層向下

放鎗滾石抵拒。各土兵乘其慌亂，勦殺并將兩
礮趕緊拆燬。維時甲索一路，賊人先已聞聲而
至。復有在馬爾邦西南之占經，及大壩、蜣螂兩
路賊人，並來救援。各土兵恐驟退，被迫遂據住
要隘。彼此拒戰，互有損傷。至是日下午，方始撤
回。臣等當將屯土各兵，量爲獎賞，以示鼓勵。其
有被鎗石傷，並雪光照眼，凍壞腳踝者，委員驗

明造冊呈報。計此次屯土官兵。因所向獲利。受傷又不甚多。無不踴躍情願効力。卽另行加派土人。亦可必其聞風響應。此數日內。俟土兵奏數齊全。臣等卽抽調壯健兵丁。添往日旁協攻。務在必克。奏入。

上嘉之。

同日。劉秉恬奏言。臣於九月二十四日。自楸砥

起程。前往日爾拉一帶查勘。該處連日風雪交作。人夫背運維艱。過山之米。比前減少。每日僅有一二百石。最多不過三四百石。截至初六七。日。竟存積米五千餘石。而天氣仍未晴霽。臣思連朝陰雪。自當有數日晴和。必得乘時加數趕運。方可補連日之缺。但聞該站人夫。因背米過山。冒寒疾病者甚多。而逃亡者亦不少。遂於初

八日。行知附近日爾拉之三道坪孟谷兩站糧
員各糾集人夫一千名。乘晴明之期。幫運米一
千三百餘石。臣查日爾拉山勢本爲陡峻。氣候
更加凜冽。自山脚以至山頂。一望皆雪。且行至
山腰。卽有非常之風。運糧道路。冰雪凝結。甚爲
險滑。雖隨時開出階梯。不過一半日。一經人跡
行走。或大雪迷覆。仍復掩沒。是以運糧人夫。每

有目寒成病。並失足跌傷者。卽如梭洛柏古番
民。較之內地民人。最爲耐寒。且善於登山。而初
十日。派往運米之人。亦跌斃二名。跌傷一名。番
地運糧道路。臣處處皆曾經行。如西路之巴朗
拉。南路之海子山。北路之孟拜拉。皆係雪山。人
稱險峻。其情形均不至如此。今甫屆初冬。卽已
如此。嗣後若得連月晴霽。自可無慮。倘遇大雪

數次天氣更寒。卽不免有阻隔之事。西路軍糧。現在全取藉於此。且爲數較多。若不早爲計及。另籌餉道。所關匪細。臣查卓克采。別斯滿兩處。道路均可達谷噶軍營。或由彼處協運。或改由彼處轉運。似可期萬全無虞。奏入。

上諭軍機大臣曰。劉秉恬奏。日爾拉氣候過寒。風雪甚大。糧運不免阻隔。查卓克采。別斯滿兩處道路。

俱可達谷噶軍營。或由彼協運。或改由彼處轉運等語。劉秉恬所慮甚是。日爾拉爲楸砥糧站所必經。西路軍精。皆由此轉運。不可不預爲籌及萬全。自當趁晴霽之日。上緊趕運。務在多多益善。以資儲備。富勒渾等應卽飭屬竭力妥辦。毋稍懈緩。取戾至番地氣候。冬令雨雪每少。或可免阻滯之虞。但冬雪究係常事。萬一接聯雨雪數日。積凍難行。

背夫跋涉。卽恐不無艱阻。今劉秉恬旣稱卓克采
別斯滿兩處。道路均可運通。谷噶若能妥酌預籌。
自屬有備無患。著富勒渾卽速查此兩路。或由彼
協運。或竟改從彼處轉運之處。卽與劉秉恬札商
妥議。一面辦理。一面奏聞。總期於事有濟。勿稍憚
煩惜費。

癸卯。

上諭軍機大臣曰。前阿桂等奏爲出其不意之計。果能如所籌辦。自可卽期得手。又昨日明亮奏攻奪賊礮。並覆查日旁道路情形。亦尙未能剋期築。兩處軍營。俱相持兩月有餘。未得迅速克捷。深爲焦急。前此阿桂曾奏。若從日爾巴當噶斜上力攻。非有現兵五六千。不足集事。現在不能抽撥。必俟攻得遜克爾宗。再爲酌辦等語。日爾巴當噶。如果

有可進之機。自應設法籌辦。現在明亮所攻木克
什一路。不過攻奪一二碉卡。仍未能乘勝直進。不
免耽延時日。與其守株久待。何如設法改圖。著傳
諭阿桂明亮。此旨到後。如阿桂已得遜克爾宗。明
亮亦已由達爾圖山梁直下。固屬甚喜。設或尚有
稽遲。則莫若將宜喜現兵。抽撥四五千名。令奎林
或三寶。將行帶領前赴阿桂處。與豐昇額合力馳

往日爾巴當噶。知會五岱。并勢夾擊。可期得利。其
達爾圖山梁一帶。明亮仍統兵在彼。照常攻打。牽
綴賊勢。使之不疑。阿桂卽與明亮妥速札商。果屬
可行。卽一面辦理。一面迅速覆奏。

臣等謹案遜克爾宗峯巒特起。爲賊衆緊要
屏障。悉力死守。不遺餘力。大兵屢次進攻。未
經得手。是以擬於日爾巴當噶進攻。第乘隙

平定回疆方略卷之三十一
三
搗虛需兵不少。而山勢綿長。在在須兵駐守。
抽撤非易。尚不免遲疑觀望。乃蒙

皇上燭照先幾。并令宜喜抽兵四五千名。前往合力。

臣阿桂等得所稟承。因決計直搗中堅。一面

接通凱立葉大營。一面壓至河邊。截斷穆爾
津岡後路。而遜克爾宗自歸掌握。風馳霆擊。
頃刻開通。何莫非

聖明指示也。

甲辰。

上諭軍機大臣曰。阿桂處解到小金川頭目卓窩斯甲。據供情願發往軍營効力。併招降番衆。其言雖不足深信。然留於此地。亦無所用。著阿彌達五格。將卓窩斯甲解往軍營。若解到軍營時。已攻得遼克爾宗。進攻勒烏圍。擒獲索諾木。著阿彌達仍將

平定回疆方略卷之三百八
三
綽窩斯甲解京。否則令其効力招降。如綽窩斯甲
到彼並未肯出力轉或洩我軍情。卽著於軍前正
法。毋使脫逃。

是日。

上賞阿桂元狐帽一頂。貂馬褂一襲。豐昇額明亮。色
布騰巴爾珠爾元狐帽各一頂。貂馬褂各一襲。富

德元狐帽一頂。舒常貂尾帽一頂。海蘭察額森特

貂尾帽各一頂。捨狽馬褂各一襲。奎林元狐帽
一頂。捨狽馬褂一襲。和隆武三寶。捨狽馬褂
各一襲。

丁未。富德奏言。臣於十五日。將二將軍。礮摧燬

噶咱。布拉木賊。定於二十一日。夜分。調官兵

一路。由河北。攻取森得爾瓦。谷穆當。噶爾等處。

一路。攻奪河南。噶咱。布拉木地方。以分賊勢。奏

入。

上諭軍機大臣曰。前據阿桂初十日所奏之摺稱現
在設法攻勦遼克爾宗。一俟天氣晴霽。即可進取。
此數百里內。天時大約相同。富德軍營十四五等
日。既連晴霽。阿桂處諒亦相同。自應卽趁天晴。乘
機攻打。如能於十四五等日攻得。日內亦應奏至。
佇盼捷音。現今已屆仲冬。以番地情形而論。向後

晴日較多。必須上緊籌辦。以成大功。雖不宜急遽
撲礪。亦不可過於遲緩。

處營林深密。礪亦甚。賊者已於此分兵防守。

等處之賊。皆已。賊者已於此分兵防守。

等處之賊。皆已。賊者已於此分兵防守。

人

上諭軍機大臣曰前據阿桂初十日所奏之詞稱現
在設法攻剿邊克爾宗一俟天氣晴霽即可進軍
此數百里內天路大約相同富德軍營十四五等
日既遠將營阿桂處諒亦相同自應即趁天晴乘
對面亦不可斷以懸懸五等日攻得日內亦必
即日進多必賊土深溝斷賊以風大皮難不宜急進

平定兩金川方畧卷之一百九

十月戊申。阿桂。豐昇。額色。布騰。巴爾珠爾。奏言。
賊人勢處窮蹙。死守愈力。急切未能攻克。自當
另由日爾巴當噶一帶。爲出奇制勝之計。但是
處箐林深密。碉卡亦多。賊番已於此分兵防守。

臣等詢之熟諳地勢之番人。並與海蘭察。額森

特等酌議。日爾巴當噶以下。榮噶爾博以上。中

間有默格爾一處。雖道路亦陡險。林箐亦深密。若從得斯東往北直上山梁。則進攻勒烏圍。旣爲得勢。而凱立葉。白爾巴當。噶之賊。反在我兵之後。賊人拒守。亦屬無益。可以不攻自潰。計所需兵五六千人。尚可以竭力抽撥而得。因令海蘭察。瑚尼爾。圖帶兵。從深箐中繞過礮寨。搶佔默格爾山梁。其默格爾之礮卡。另派官達色帶。

兵繞過。自上下壓額森。特往上夾攻。得此礮卡。則四隊之兵。同上山梁。相機分頭辦理。但自得斯東前往。道路較遠。並派烏什哈達富興海祿於適中之地帶。兵接應。其遜克爾宗官寨。別留官兵牽綴。卽於十六日戌刻。分隊進發。此處林箐叢深。崖礮陡削。亂石崎嶇之中。加以冰雪凍滑。官兵手足並用。爬越而登。十七日丑刻。海蘭

察瑚尼爾圖之兵將抵礮卡。賊已知覺。潛來迎敵。經海蘭察奮力殺敗。卽上默格爾山梁佔住。其額森特官達色督率官兵于海蘭察等甫經繞過之時。亦卽將默格爾礮卡三座上下合圍。賊雖放鎗迎敵。而官兵攀援直上。砍開礮門。殺死二十餘名。餘俱墜入深澗。維時額森特等一面留兵。交與富興。烏什哈達。海祿等佔據一面。

與官達色帶兵趕上山梁。同海蘭察等會合。將至天明。相度地勢。令瑚尼爾圖帶兵直佔日爾巴當噶西面突起高峯。而海蘭察額森特等帶兵向西面密拉噶拉木山巔。往下以壓。遂將密拉噶拉木大寨一座石碉四座攻克。其凱立葉官寨大小與遜克爾宗相等。附近寨落頗多。卽在密拉噶拉木山陰。官兵乘勢進攻。又將各寨

同時克獲。勦殺賊番男婦亦多。迨至未刻。敗遁之賊。與勒烏圍等處應援之賊。分爲三股。來衝頭卡。我兵亦分三隊。乘勢下壓。追趕數里。鎗箭齊發。亦多殺戮。查此次官兵。因稍淹時日。積憤愈勵。從並無路徑之處。攀越仰攻而進。竟日徹夜。毫無歇息。無不踴躍爭先。而賊人亦因出其不意。雖竭力堵禦。究已張皇失措。是以殲斃至

一百五十六名。擒獲活口五名。割取首級三十
七顆。佔據大礮寨房二百餘間。所奪礮位馬匹
及牛羊鎗矛諸物無算。而官兵內傷損甚少。今
所據之密拉噶拉木。從右手山腿而下。距噶爾
丹喇嘛寺。不過十餘里。而前抵勒烏圍賊巢。亦
不過二十里。且日爾巴當噶。雖尚有賊人佔據。
但前後皆有官兵。自不能復爲死守。諒可與五

平定兩金川方略卷之二頁四
當之兵。不久會合。此皆仰賴

睿謀指示。因得又破一層險隘。除將緊要營卡。趕緊
嚴拏。並相度機宜。迅圖進取。奏入。

上諭內閣曰。阿桂等奏。攻得凱立葉下截山梁。奪碉
殺賊情形一摺。此次將軍等用間出奇制勝。調度
有方。領隊大臣及在事弁兵。均奮勇出力。奪碉殲
賊。甚屬可嘉。阿桂、豐昇、額色布騰巴爾珠爾。俱著

交部議叙。海蘭察額森特。尤爲超勇。出羣。已授爲
叅贊大臣。仍著交部議叙。其餘將領弁兵。并著阿
桂等查明咨部。分別議叙獎賞。以示鼓勵。

同日。阿桂豐昇額色布騰巴爾珠爾。又奏言。此
次進剿以來。滿洲索倫官兵。弓箭第一得力。深
爲賊人所畏。但番地大石林立。樹木叢深。所發
箭枝。最易損壞。臣等雖嚴飭各官兵。樽節使用。

打仗之後。隨時揀回。而可用者不過十之二三。

且在平原接戰。則賊眾一經敗竄。即可將箭枝

盡數揀回。而此地箭枝。其射落于碉寨內外者。

一時既難揀拾。及至攻破碉寨後。又已不堪應

用。現在臣等一路所存之箭。雖有贏餘。但統計

宜喜馬奈各營。均有滿洲索倫官兵。自當寬為

預備。前准彰寶抄送奏稿。稱滇省所存之箭除

已赴川省外。尚存二十一萬八千餘枝。現在修
飾完好裝貯。伏思此時川滇一路。並無別項運
送物件。箭枝送川。甚爲便易。不過一月有餘。可
抵成都。臣等已行文圖思德。令於所存箭內。再
挑十萬枝。速送川省。查收備用。卽爾時軍務已
竣。而將此箭枝留貯成都。亦與在滇無異。奏入。
上是之。

同日。富勒渾劉秉恬奏言。臣等前因日爾拉連

日大雪。人夫背運維艱。米石致有停積。臣劉秉

恬卽於本月初十日。自楸砥起程。調撥孟谷三

道坪及楸砥三站人夫。前往協運。臣富勒渾亦

於十二日自大板昭起程。調撥薩拉沙壩三松

坪大岩窩四站人夫。先後齊赴山脚。合力疏通。

自初十日起。數日以來。天氣晴霽。臣等親督各

站員將所有積米五千餘石通力合作掃數運完一過此處前途按站轉輸計日即可全到核計共有米一萬餘石實可無虞但該站山勢本屬陡險氣候更覺凜冽若一遇風雪交加冰凌凍結究難深恃臣富勒渾前派雅州府縣承辦長運日爾拉米一萬石由別斯滿轉運大板昭以資接濟現已陸續到來茲復據軍需局詳請

派木坪長運米一萬五千石。至資哩交收。由別
斯滿一路加夫四千名。轉運至大板昭。臣等悉

心商酌。目下既須預籌饋餉。自應卽於此路加
增。較爲捷便。惟是底木達一帶舊路。俱已改赴

河東。自資哩至薩拉。向係安設十站。經提臣常

青以後路緊要。又將運道近河之處。改移山上

行走。道路更長。臣等詳加確核。應再加添兩站。

使夫。力得以稍近從容。則輓運益徵迅速。卽將
軍需局所派人夫四千名。合之各站現有之夫。
分撥運供。實爲有備無患。如前項人夫。一時未
能到站。卽著該站員等。就近雇募蠻夫客夫。以
資應用。至北路軍糧。前准文綬揀派能事州縣
承辦。長運卓克采米二萬石。臣等現復咨催趕
運。並再酌派一萬石。存貯卓克采。以備西路不

時之需。取攜更便。奏入報。

聞。

十一月甲寅。明亮舒常奏言。臣於本月十八日

晚間。抽派官兵二千五百名。同各土兵分隊進

攻日旁。查日旁上臨絕壁。旁有斜坡。細路縈迴。

僅寬數尺。下至山半。復陡起石包。賊人卽在其

上聯絡礮卡。以衛此一帶寨落。兵力本難施展。

惟是周叟官寨對面之山。卽係日旁分支。山坳有路。可繞出石包之後。隨派和隆武。及珠爾格德。阿蘭保。科瑪等。督兵從周叟一路。晝伏夜行。相機進取。仍於日旁正面。作爲攻擊之狀。其斜下山溝。有水礮水卡。西與沙壩山相連。若能一并攻克。則石包以上賊人。四面受敵。必難自固。約定二十日。寅刻各路同時並舉。臣等又派三

寶於木克什作爲進攻情狀。一面派令奎林富
寧敦住舒景安等。於西南山腿兩翼並進。以爲
牽綴。是日自黎明起。屢次攻撲。相持至午未之
間。賊礮鎗石甚緊。幾至無隙可乘。而遙望日旁
山坳內。煙焰蔽天。隱隱鎗礮之聲不絕。已知得
手。但念該處分路既多。恐兵丁不敷調遣。復令
敖成等帶兵一千。速往接濟。隨據和隆武報知。

十九日丑刻。官兵繞至日旁山後。搶進礮寨。賊
人鎗石俱不及施。短兵相搏。而我兵深入重地。
父勇往倍常。沿山上下。盡力追殺。已將戰礮十餘
座。平礮二百餘間。全數攻獲。其山溝內水礮水
卡。亦經日旁正面發兵佔據。至沙壩山賊人。幾
次衝突。已爲我兵截住來路。而石包上拒守之
賊。四面無路可逃。滾崖落澗。無一人得脫。現已

平定回疆方略卷之二頁
十一
深入二十餘里。若再前進。與阿桂所攻日爾巴
當噶止隔一河。兩軍會合不遠。奏入。

上諭內閣曰。此次明亮等攻克日旁碉寨。探路籌畫。
均合機宜。而越險攻碉殺賊。全係和隆武功績。伊
父和起。盡節捐軀。應有是子。深爲嘉慰。和隆武著
授爲都統。以示優獎。其調度有方之將軍叅贊。及
在事出力之將佐弁兵。著明亮查明。咨部議叙。

上諭軍機大臣曰。昨阿桂奏。卽日可與五岱會合。夾擊日爾巴當噶。此路一通。自可直抵勒烏圍。掃穴擒渠。勢如席捲。但思勒烏圍與噶拉依。同係賊巢。若止攻勒烏圍一處。則噶拉依之賊。勢必移聚該處。拒守轉予賊人以暇矣。前此阿桂等曾奏稱。若從達爾圖西南山梁直下。則與勒烏圍僅隔一河。或在河北循山梁而行。抄出噶拉依對岸。便可至。

平定回疆方略卷之二十一
十一
馬爾邦之後等語。屢經諭令明亮若能至彼。與富德爾面夾攻。將馬爾邦攻克。即可同勒噶拉依。賊匪兩面受敵。照顧不暇。成功尤可迅速。

乙卯阿桂豐昇額色布騰巴爾珠爾奏言。自凱立葉以至榮噶爾博。一道山梁。表延直抵勒烏圍。處處有險可恃。實爲賊巢屏蔽。今官兵攻過山梁。賊人已失其險。情形窘迫。是以十七日未

刻滋擾之後。復於十八日子刻。又有三百餘人
來衝額爾特興奎等營盤。侍衛等一見賊踪。分
頭奮擊。傷斃多人。始行敗竄。臣等察勘默格爾
以西。布拉克森格斯巴爾兩處碉寨甚多。是日
派海蘭察額森特等帶兵先壓布拉克森寨落。
憑高撲進。賊人驚竄。官兵卽進攻格斯巴爾兩
處寨落。二百餘間。悉行燒燬。至十九日早。望見

格斯巴爾寨下峯巒突起之處。名羅卜克鄂博。聚集多賊。壘石拏卡思。欲阻我兵進取之路。隨令巴圖魯侍衛栢凌等。分兵兩路。直前衝壓。賊人殲斃之外。四散潰逃。又將羅卜克鄂博佔住。並分兵攻取色埒爾等十寨。臣等思白日爾巴當噶。以至達爾扎克。所有賊人碉卡。俱在我兵之後。不可不急為掃除。卽令富興保寧。各於本

隊內抽出官兵。先辦日爾巴當噶山陽之賊。該處寨落甚大。寨後山頂築有碉座。寨之左右。又有五碉相護。官兵先將寨落攻佔。并派瑚尼爾圖帶兵接應。乘勢將左右五碉全行攻克。餘賊竄入山頂各碉之內。合力拒守。臣等令烏什哈

達福康安保寧。由日爾巴當噶之東南迤邐斜上進攻達爾扎克山梁各碉。富興海祿繞出日

平定回疆方略卷之二
三
爾巴當噶之後。進攻山脊中間沙爾達郎碉座。

臣色布騰巴爾珠爾策應。其日爾巴當噶山頂

各碉。臣豐昇額督同額森特。瑚尼爾圖率兵攻

打俟。此處圍攻後。海蘭察帶兵一千。由兩碉中

間乘隙直衝而過。與烏什哈達合力攻取。均於

二十日戌刻進發。額森特等之兵。先至日爾巴

當噶山頂各碉。賊尚抵死守禦。攻至二十一日

寅刻四面撲進賊不能支。官兵遂將各碉佔據。至達爾扎克一處。福康安保寧攻其下。烏什哈達攻其上。是處碉卡林立。峯巒如削。比至寅卯之間。烏什哈達督兵蟻附而上。直抵碉根。四面撲入。賊人勢難支拒。又見山梁上海蘭察之兵將到。卽棄碉滾崖而遁。福康安保寧所攻達爾扎克。下截各碉亦均克獲。其富興海祿進至沙

爾達朗是處共有五碉攢在峯頂之下官兵拋
入火彈卽時克取并克伊格爾瑪廸伊格爾瑪
咱碉卡又羅卜克鄂博溝口尚有碉寨七座亦
經額森特奪獲焚燒所有凱立葉上下山梁碉
卡及附近寨落均已掃除淨盡當與五代會合
惟是現有官兵除留駐新得地方外不敷前進
之用臣等現將附近後路官兵盡力抽撤約須

五六日方能妥辦。如抽撤及前敵之兵。合之可得七八千。卽一擁直壓。以成破竹之勢。奏入。

上諭內閣曰。將軍阿桂自統兵進剿以來。實心調度。諸事皆合機宜。此次又將日爾巴當噶全行攻克。接通凱立葉。指日卽擣勒烏圍賊巢。甚屬可嘉。著授爲御前大臣。並賞雙眼翎。用昭恩眷。叅贊海蘭察額森特。屢經奮勉超羣。此次奪碉殲賊。亦屬出

力海蘭察著在御前侍衛上行走。額森特著在乾
清門行走。頭等侍衛額爾特藍翎侍衛泰斐英阿
於攻克默格爾山梁時俱能奪勇額爾特著賞副
都統職銜。在乾清門行走。泰斐英阿著授爲三等
侍衛。

上又諭內閣曰。此次攻克默格爾山梁。及凱立葉等
處。碣寨。在事出力弁兵。除已加恩賞獎外。二等侍

衛庫爾德著賞朗親巴圖魯名號。三等侍衛托爾
托保著賞揚達克巴圖魯名號。黑龍江驍騎校瑪
濟著賞沙布德克巴圖魯名號。俱照例各賞銀一
百兩。藍翎侍衛薩爾吉岱。穆哈納。俱著授爲三等
侍衛。吉林烏拉前鋒保住。領催塞依永額。及原三
等侍衛披甲効力之巴達瑪。俱著授爲藍翎侍衛。
火器營護軍校巴爾布噶勒。秉阿。著委署護軍章

京護軍永亮濟魯勒圖。瑠佐著授爲額外護軍校。
俟缺出之日。卽行坐補。

上諭軍機大臣曰。阿桂等奏攻克日爾巴當噶等處
碉寨。並接通凱立葉上截。殲戮賊衆。覽奏深爲欣
慰。從此攻取噶爾丹喇嘛寺。勢俱下壓。自屬便易。
但遜克爾宗尚未攻得。仍恐賊自南而來。邀截後
路。此時阿桂若能將遜克爾宗一并攻克。自尤妥。

善。否則榮噶爾博一帶山梁甚關緊要。前此曾於

圖內用硃筆標記兩圈。令阿桂派兵佔據。阿桂務

當斟酌妥辦。若已經佔得。始免後路顧慮。又據奏

脫出之綽斯甲布番人雍中爾結供稱。莎羅奔弟

兄。現又回勒烏圍。念經拒守等語。逆酋兄弟聚集

一處。其計畫自必更甚。若我兵攻破勒烏圍。將逆

酋一併擒獲。則噶拉依并可傳檄而定。成功尤爲

迅速。惟是逆賊狡黠多端。恐見官軍勢盛難敵。派人在勒烏圍抗拒。而索諾木莎羅奔弟兄仍回噶拉依。爲三窟之計。以冀緩死須臾。亦未可定。阿桂統兵抵勒烏圍時。一面進兵攻打。一面選派大員帶兵千餘。往截勒烏圍至噶拉依之路。使其無從竄回。於勦捕尤爲得力。惟當妥酌籌辦。毋稍疎懈。

丙辰。

上諭軍機大臣曰。阿桂自用爲將軍以來。立意進剿。籌度合宜。屢戰克捷。現在內外大臣實無出其右者。甚屬可嘉。至昨奏欲俟抽撤附近後路官兵。合力進取。朕揣其意。似以逆酋兄弟現聚一處。若兵數單弱。恐不敷邀截之用。致逆酋逸去。故欲俟後路之兵。抽調充足。進擣勒烏圍。使逆酋無從竄逸。著傳諭詢問阿桂。其所以待兵之意。是否如此。若

果如朕所料。自當妥速而行。

同日。富德奏言。查德木特布咱納兩處山根。有
道可通馬爾邦。賊衆添築礮卡拒守。應將是處
攻取。方能前進。本月二十一日。臣派副都統德

赫布等。帶兵五隊。攻取德木特。又派副都統舒
亮等。攻取布咱納礮寨。明日丑刻。各隊官兵奮
勇進攻。賊人滾崖落水者甚多。德木特布咱納

兩處碉寨。全行佔據。現在籌辦進攻馬爾邦。奏

入

上諭軍機大臣曰。富德攻取德木特布咱納等處碉寨。甚爲奮勉。此次暫行記功。俟得馬爾邦時。交部議叙。現今將軍阿桂。指日可抵勒烏圍。與明亮兵會合。當此賊人喪膽之際。富德乘隙前進。攻取馬爾邦。更易得手。

同日富勒渾文綬奏言。臣等欽奉

上諭。令將川省辦差出夫各屬。乾隆三十九年以前。已經緩徵錢糧。分別差務繁簡。酌量蠲免。臣等查

川省自辦軍需以來。蒙

皇上軫念民勞。

蠲膏疊沛。三十七年分。通省錢糧。或全行蠲免。或酌免十分之七。及十分之五。十分之三。其蠲剩之

項。節年亦予緩徵。至三十八九兩年。官兵經過之成都等五十廳州縣。均已奉

旨分別緩徵。其未過兵之各廳州縣。三十七年蠲剩錢糧亦並緩其帶徵。三十八九兩年仍照常徵收。今次復奉

恩旨。所有兵過地方。三十七年蠲剩緩徵錢糧。應請全行蠲免。其三十八九兩年緩徵之項。按照各

地方極衝次衝。分別全免及酌免十分之五。至
未辦兵差之九十廳州縣。除已緩之三十七年
蠲剩三分五分七分錢糧。再行酌予減免外。其
三十八九兩年。原未議緩。但該廳州縣等節年
出夫辦糧。急公踴躍。今三十八年分額徵業已
照常全完。所有三十九年分錢糧。應請遵

旨酌免十分之五。及十分之三。俾閭閻生計寬舒。而

趨事赴公。益加感奮。謹分別開單進呈。奏入。

上諭內閣曰。富勒渾文綬等將過兵地方。及未經辦
差之九十廳州縣。節年出夫運糧。分別酌免分數。
覆奏。此等急公奉上之民。甚屬可嘉。著加恩將成
都等二十三州縣。已緩三十八年錢糧。全行蠲免。
其三十九年錢糧。酌免十分之五。簡州等二十三
廳州縣。三十七年蠲剩緩征錢糧。全行蠲免。其已

平定回金少錄卷之二頁
五
緩三十八九兩年錢糧。各蠲免十分之五。天全蘆
山茂州松潘四廳州縣。已緩三十八年錢糧。酌免

十分之五。溫江等五十六廳州縣。三十七年蠲剩
緩征錢糧。全行蠲免。其三十九年錢糧。酌免十分
之五。大寧等三十四廳州縣。三十七年錢糧。蠲剩
十分之三者。全行蠲免。蠲剩十分之五。十分之七
者。再免三分。並將三十九年錢糧。再免十分之三。

俾閭閻生計。益得寬舒。仍俟大功奏捷時。另普渥
恩。以副朕嘉惠民勞。有加無已至意。該部遵諭速
行。

巳未。明亮舒常奏言。臣查日旁以前。連山上下。

自東北至西南。綿亘二十餘里。寨落相接。爲斯
聶斯布羅。爲斯延咱爾。爲岱谷。皆進兵必由路
徑。過此卽係一片平坡。直至臨河均無阻隔。而

勒烏圍卽在河南相距本不甚遠。惟其西沙壩山尚有賊人并力聚守。至其東爲谷爾提官寨。上與丹壩相通。東西兩面俱隔溪河。依日旁左右。分流入於大河。官兵從此取道前進。與達爾圖下壓之路相仿。且與日爾巴當噶一路官兵早爲會合。卽可截出賊境東北。先行掃淨。其沙壩山堅礮林立。一時未可力取。而下面沿山寨

落甚多。臨溪架有木橋。以通日旁之路。賊於橋

兩頭各架大礮守護。

臣

明亮派兵三百名。夜半

突斫礮門。卽將兩礮據定。二十三日。令珠爾格

德科瑪等。從日旁山脊。分兵數路。下至向西一

面斜坡。將平房百餘間。戰礮二十餘座。全行洗

蕩。至日旁山腿正面。亦經舒景安。敖成督兵。將

石包上兩座賊卡搶佔。計日旁一路。爲金川緊

要門戶。今數日以來。共克獲碉寨四百餘間。殲
戮賊番男婦甚多。此次綽斯甲布頭人土兵。同
屯土各兵。加倍出力。臣等量爲獎賞。乘此兵心

踴躍。賊氣披靡之際。由日旁前至勒烏圍沿塗。
卽有險阻。無難采入。但山環水折。後路綿長。必
須逐處留兵防範。始免疎虞。計達爾圖各營實
在官兵僅八千五百餘人。而現在派赴日旁進

攻止有三千五百餘人。不敷調遣。自應籌畫周

備。方可統衆前驅。臣等再三商酌。其營盤應行

歸并者。礪卡應行添築者。均須布置得宜。臣舒

常及三寶。應暫留在達爾圖。次第料理。臣明亮

先馳赴日旁。相機攻取。至賊中近日情狀。雖節

次投出番衆二十餘名。其勢少爲渙散。然各處

抵拒尚堅。二十日所獲賊番四名內。有納木克

斯丹怎二名。俱係年老。臨時在礮內投出。據綽
斯甲布土司稟懇留此二人。以便招降各番。臣

等准其所請。卽發交土司雍中旺爾結收管。其
投出之達拉等男婦二十四名。俱分別安插。奏
入

上諭軍機大臣曰。明亮等奏續克日旁相接一帶礮
寨。並稱各營實在官兵。僅八千五百餘名。自應籌

畫周備。方可統衆前驅。如此籌辦極是。昨阿桂奏亦欲暫待數日。俟各路抽調之兵到齊進攻。因索諾木莎羅奔兄弟。俱聚於勒烏圍。故欲合集兵力爲一舉成擒之計。朕實嘉其深合機宜。今明亮所見亦與阿桂相同。尤可望兩人合力會勦。速成大功。就圖形而論。勒烏圍當係北面臨河。或略偏東。阿桂統兵到彼。似可攻圍三面。其北面若逼近河

千官兵難以屯扎。則明亮一軍不必渡河。只在北岸遙爲聲援。以防截過河竄逸之賊。若勒烏圍礮寨相離尚遠。可容官軍屯駐之地。則通知明亮。卽統兵渡至南岸。與阿桂四面圍剿。尤易得手。阿桂至勒烏圍時。若探知逆酋兄弟尚同在勒烏圍。卽速與明亮商酌。合力進剿。擒渠掃穴。可以一鼓成功。則洗蕩勒烏圍之後。噶拉依可不煩而定。更爲

妥捷。若索諾木兄弟。有已回噶拉依者。又當兩路分攻。使之照顧不暇。則兼令明亮前往馬爾邦之後。引進富德。同攻噶拉依。著傳諭阿桂等。妥商速辦。

同日。明亮舒常。又奏言。此次續克日旁。礮寨屯土。各兵均極奮勇。內有屯弁郎卡。甲噶。阿蚌。二名。綽斯甲布頭人。雍中。結穆爾。安布木。達扎。四

名。草布什咱頭人伊吉一名。爭先搶卡殺賊。尤
爲出力。俱當賞戴白頂藍翎。以示鼓勵。土舍綽
爾甲木燦。親自帶兵。深入險地。督戰甚力。今伊
弟土司雍中。吐爾結。代具懇請加恩。奏入。

上諭軍機大臣曰。綽爾甲木燦。帶兵督戰。誠心出力。
其屬可嘉。著加恩賞戴花翎。並查照伊弟雍中。吐
爾結。現在所襲係何品級。加土司係一品。即將該

